

Na osnovu člana 22 Statuta Brčko distrikta Bosne i Hercegovine ("Službeni glasnik Brčko distrikta BiH" broj 3/07), člana 45 Poslovnika Skupštine Brčko distrikta BiH – prečišćeni tekst („Službeni glasnik Brčko distrikta BiH“ broj 11/03) i Prijedloga nezavisnog zastupnika Halila Ljuce, Skupština Brčko distrikta BiH na 66. redovnoj sjednici održanoj 15. aprila 2008. godine donosi

**ODLUKU
O NAČINU RJEŠAVANJA PROBLEMA NESTANKA PITKE VODE
U BRČKO DISTRIKTU BiH**

Član 1

Ovom odlukom se određuje način rješavanja problema nestanka pitke vode na arteškim i subarteškim bunarima na području Brčko distrikta BiH.

Član 2

Skupština Brčko distrikta BiH izražava zabrinutost zbog učestalih pojava nestanka vode na postojećim arteškim i subarteškim bunarima, te zbog pitanja vodosnabdijevanja građana pitkom vodom uopće.

Član 3

Nalaže se Vladi Brčko distrikta BiH da u roku od šezdeset (60) dana od dana donošenja ove odluke preduzme sve potrebne radnje da se stave u funkciju svih arteški i subarteški bunari koji su trenutno van funkcije, kao i oni koji su iskopani i nikada nisu stavljeni u funkciju.

Član 4

Radi postizanja ciljeva iz ove odluke zadužuje se Vlada Brčko distrikta BiH da predloži Skupštini Brčko distrikta BiH izdvajanje novčanih sredstava iz sredstava rezervi budžeta Brčko distrikta BiH.

Član 5

Nakon što ovom odlukom izvrši prethodno navedeno, Vlada će bez odlaganja odrediti jasnu nadležnost i način finansiranja tekućeg održavanja objekata javnih česmi.

Član 6

Ova odluka stupa na snagu danom donošenja i objavit će se u "Službenom glasniku Brčko distrikta BiH".

Broj: 0-02-022-68/08
Brčko, 15. aprila 2008. godine

PREDSJEDNIK
SKUPŠTINE BRČKO DISTRIKTA BiH
Prof. dr. Milan Tomić, s.r.